



皇朝經世文編卷三十五目錄

戶政十八旗生計

根本四計疏

全地利重根本疏

滿洲兵民生計疏

八旗開墾邊地疏

八旗屯種疏

八旗屯種疏

復原產籌新墾疏

請發八旗駐防各省疏

口外駐兵疏

漢軍生計疏

八旗公產疏

會辦旗人疏通勸懲四條疏

擬時務策

和其衷

王益朋

陳之遴

舒赫德

范咸

梁詩正

赫泰

張若淮

孫嘉淦

孫嘉淦

孫嘉淦

英和

沈起元

上奉天府尹論逃人書

鄧浴

清江先生集卷之三  
序

人也過庭

皇朝經世文編卷三十五

戶政十八旗生計

善化賀長齡稿庚輯

御史和其衷

根本四計疏乾隆十年

臣自參。命稽察。盛京事務以來。已歷二年。凡地方之情形。旗民之生計。一有見聞。必廣諮博訪。悉心體察。冀效一得之愚。以仰副聖主擇及芻蕘之至意。

一重邊疆以資防範也。伏查山海關外迤北迤東一帶。共設七邊。邊門之外。則係各蒙古部落。由七邊之東而南。直接鳳凰城。則爲六邊。乃奉天寧古塔之方界。此盛京東北二面之屏藩也。向來各邊。俱編木爲柵。以限內外。柵外浚濠。以禁越度。該管各員。勤于巡防。隨時修浚。邊防寢稱嚴密。乃聞近年以來。總理大臣。漫無稽查。該管各員。遂因之怠玩。附近邊門數里。尙有濶柵。離邊門稍遠者。多成坦途。不惟大夥私參。易于透漏。亦恐違禁貨物。任意出邊。雖近經將軍加意辦理。較前已覺改觀。但積玩之後。非大爲整飭。嚴立章程。誠恐將來日久。視爲具文。仍復廢弛。請。勅交將軍達爾當阿于本年巡邊之時。親身周厯。詳爲相度。木柵務令堅密。土濶務令深通。以復舊制。并將嗣後總理大臣。應作何輪流查閱。該管官員。應如何更番巡視。以及土濶木柵。應如何隨時修浚之處。詳悉定議。奏請施行。再查熊岳所屬旅順海口。設有水司營官兵。以爲巡防之用。與天津水師營。聲勢遙相呼應。爲奉天南面之保障。關係綦重。乃聞相沿日久。亦皆廢弛。該管各員。既不勤加操練。兵丁巡哨。不過掩飾虛文。卽軍裝器械。半皆朽壞。似此怠玩成風。何以固疆圉而資彈壓。亦請。勅交將軍達爾當阿將自今作何整理。嗣後如何稽察之處。一并詳悉籌議。奏請施行。庶邊海要區。防範既嚴。於彌盜稽匪之

道不無裨益。

一廣積貯以裕民食也。奉天土厚泉甘深宜稼穡收穫之多既倍於他省糧價之賤亦半于內地故每遇豐收之年轉有熟荒之慮且小民止顧下鮮知蓄藏偶遇偏災即束手無策此皆當預爲籌畫也伏查乾隆八九兩年仰賴聖主洪庥連獲豐收今春雨雪調勻民間俱已及時播種將來接連得雨大有可登請勅交奉天將軍府尹將旗民各倉現在塞存糧石是否足用應否買貯之處詳審收成分數定議具奏若須添補則動支備用銀兩揀派廉幹之員分頭買貯以裕倉儲仍照常平之例每年于青黃不接之時或借或糴以濟民食若倉糧足備各項之用無須添補則請將海口之禁量爲寬展使內地商賈源源流通以免傷農之患如此通融辦理于內外民食均有裨益。

一興紡織以濟民用也。伏思小民生計衣食爲先務本要圖耕織並重獨是奉天各處地多宜棉而布帛之價反倍于內地推原其故大抵旗民種棉者雖多而不知紡織之利率皆售于商賈轉販他省既不獲種棉之用而又有買布之費此亦當亟爲經理者也臣愚見似不必繩以官法迫以禁令惟勅交奉天將軍府尹加意講求寔心勸諭多製紡織之具頒發各屬令有司依式成造量給旗民之種棉者仍雇覓善織之工數人令其因時隨地多方教導卽以民間紡織之多寡爲該管有司之功過如此行之數年之後人獲其利必競相趨戾轉效仿將不煩程督而各勤其事出產漸盛布價自平于旗民生計不無裨益。

一廣開採以利民用也奉天各屬山多樹廣材木柴薪用之不窮近年以來生齒日煩取者益衆附近山場木植漸少而市價因之愈昂民間日用頗覺艱難查錦州以西甯遠一帶山多產煤現經封禁向來地方官員自

顧考成。唯恐生事。雖屢經有人奏請開採。而終阻抑未行。伏思奉天東南之北西湖一帶。逼近盛京。因地多產煤。現已開採有年。附近旗民。寔屬利賴。亦并未聞有聚匪生事之端。今甯遠之煤事。同一體。且離奉天甚遠。較之。北西湖更爲不同。而乃將此天地自然之利。爲因噎廢食之計。置之不問。則深爲可惜。伏祈皇上勅交奉天將軍府尹。確實查明。如何招商開採。作何設法稽查之處。查照北西湖之例。斟酌定議。奏明辦理。於旗民生計。亦有裨益。

全地利重根本疏

順治十四年

吏科給事中王益朋

臣惟時詘舉。贏難與慮。始然事關重大。貴在開先。始之規模不立。則無以垂奕世而示來茲。臣有一得之愚。可以厚功。臣收地利。明官守。宣教化。重根本。備海防者。敢不爲。皇上陳之。臣稽載籍。歷代建都。不一明洪武都金陵。永樂遷北平。以金陵爲南京。雖各功臣隨還于燕。而所賜田產。皆委家人莊頭。在彼耕種。收穫租糧。供送本主。原非罄國而遷。置舊都于偏廢也。我朝定鼎燕京。則遼陽發祥之地。寔猶昔之南京也。自墨勒根王苟且補苴。而陪京規制。闕焉未舉。幸皇上親政。如意根本。懸爵招民。權宜鼓舞。究竟所招不多。生聚無幾。開墾未廣。名器徒輕。頃見遼陽知府張尙賢招徠不繼一疏。有云去歲自春徂秋。招墾絕跡。請勅部設法招徠。或此法難行。更有彼法可通等語。而部覆以爲招民之例。原經會議題定。已屬破格鼓舞。無庸再議。臣愚以爲與其懸爵招民。應之者少。不如倣明初之制。將遼陽等處田地。酌量分給功臣之家。令其委託家人莊頭耕種。收穫供送本主。彼之地利既熟。而辦種必饑。又無煩司農之籌畫者。況八旗兵丁。加以連年水患。戶部議給湧糧。公私兩受虧耗。孰得孰失。明白易見。至於近畿之地。圈給八旗。朝廷雖有撥償。恐難盡如原數。以臣

愚計莫如卽將遼陽所屬餘地。查數撥補。有力之家。不妨多給。在畿民無失業之虞。不獨無地而有地。在朝廷鮮拋荒之患。亦可因地而得民。較之近日懸爵招徠。其間容易繁難。相去逕庭矣。且旗下舊人常言關東土地肥饒。可惜拋荒。無人耕種。由此觀之。諒亦臣民之所樂行者。此所謂厚功臣收地利之一也。其陪京舊制。在明朝南京設有文武諸司。而科道糾叅之責。部司榷關之差。咸得與焉。查洪熙宣德在儲位時。亦曾南京監國。不止勳臣留守。今遼旣稱盛京。則應察照會典。量設部院科道。滿漢官員。按時修舉諸大典禮。至于舊時衙宇。似未盡壞。畧加修葺。所費不多。所關寔大。又知府張尙賢全遼文運已開一疏。內云。遼陽士子遵旨出關。攜妻挈子。千里播遷。情尤可憫。較之寄籍在遼之永平生員。視嚴綸爲故紙。畏出關如虎穴。不曾雲泥等語。臣愚以爲士爲四民之首。自當遵旨奉法。爭先恐後。以風小民。何得藐視法紀。如府臣所云者。伏請皇上嚴勅盡令出關。各還故土。勤學力農。一勞永逸。則其親友相依。攜帶人口。正自不少。如有直省俊秀人等。願赴遼試者。許其全家移住。卽與田產入籍應試。每五名一爲互結。立法之初。暫寬冒籍之禁。大抵不在本地開科。則人情不肯爭相趨赴。于作養士子之中。寓招徠人民之計。此所謂明官守。宣教化之一也。至於遼陽等處。歷代以來。皆爲郡縣。明初盡改置衛。止于遼陽。開元設安樂在一州。我朝初設一府兩縣。其餘各城俱未建置。見今海賊未殲。風候莫測。有備無患。機要宜詳。臣思祖宗陵寢所在。王氣攸鍾。寔爲重地。若不預爲防維。則濱海地方。一旦賊踪竄忽而至。其何以應之。臣愚以爲自山海以東。凡大小衛所城池。俱當建置郡縣。設立防守。拱護聯屬。生聚教養。在此一舉。此謂重根本。備海防之一也。抑臣更有請者。前代大小臣工。怙過不悛。或調南京使之砥礪修省。果能悔過。仍復調回。今以衛蠹罪犯徙發遼陽。雖亦填寔畿輔之一端。

然而非法之善也。夫甯古塔尙陽堡。尙可比之前代邊遠之處。而遼陽左右。既屬盛京。當如明之應天等處。商賈輻輳。土民樂居。佳麗富饒。斯稱天府。豈可使罪人雜處其間哉。且此輩舞文狡猾。其心必異。子孫習染種類不端。敗壞風俗。尤其小者。釀亂思逞。勢所必然。更不可不早爲區別也。

滿洲兵民生計疏 順治十二年

戶部尙書陳之遴

竊惟滿洲兵民實爲國家根本。年來窮苦日甚。關係非小。但富強霸術。利害相參。賑濟恩施。久遠難恃。臣謹以大道永計爲皇上陳之。

一曰修舉農功。昔周代良法。寓兵於農。本朝計丁受田。兵馬器械。皆從此出。其制實與周合。乃連年飢饉。偏野荒蕪。雖屬天災流行。亦由人功怠惰。應請皇上急擇每旗才幹大臣一員。并諳練農事。通曉水利官二三員。將本旗地土逐處躬親巡閱。招集土民。講求潰川何處當修。積水何法放出。中間地防决口。一一審詳預備。溝渠兼防亢旱。算工估費。敕下所司。速措錢糧。佃戶量助人力。及時修築。限日告成。雖所費必多。實係一勞永逸。豐年必然厚獲。凶歲亦不大荒。此乃務本之大道也。

一曰寬恤兵力。天下經制。漢兵歲費錢糧。不下一千餘萬。乃守多不固。戰多不克。一有警急。輒勞滿旅。遠涉或數千里。長征一二年。出兵之時。買馬置器。措費甚難。凱還之日。馬倒器壞。又須買補。滿兵月糧幾何。堪此重費。應請皇上嚴飭各督撫提鎮將所統轄將士。悉照滿洲兵法訓練精強。如有棄城逃陣。亦照滿例行法。若失事重大。文武大吏俱依法治罪。如此則人知警畏。自然力戰固守。滿兵可以養威省力。力省則財足。財足則兵精。果有強寇大敵。一出立可掃除。不至久征多費矣。

一曰節省財用。大凡多費則貧。少費則富。治國治家。總是一理。滿洲兵民。素稱樸實。非有驕奢。但吉凶諸事。或循例相沿。或用情過厚。不無多費致窘。請皇上稽古酌今。裁情就禮。將滿洲兵民諸事制爲典例。務從儉約。如吉慶宴會。幣物毋過豐華。敬禮神祇。祭享毋傾家業。送終致孝。珍貴毋多焚化。其餘可以類推。仍須深加曉諭。除其習見。月有所節。歲有所省。目前可免窘迫。積久自能豐饒。非惟足兵實理。兼亦治世遠猷也。

八旗開墾邊地疏 乾隆二年

御史舒赫德

臣聞治天下之道。在乎由親以及疏。由近以及遠。果能使我根本綿固。則枝葉自茂。臣愚以爲八旗者。國家之根本也。我皇上深見乎此體。列祖愛養旗人之聖心。有可利濟之處。莫不畢舉。兩年於茲。裨益多矣。然以久遠計之。猶未見其可以無慮也。蓋養人之道。在乎因天地自然之利而利之。必使人自爲養。斯可以無不養。如若按人按戶。給衣給食。雖一州一縣。尙不能徧。况八旗之衆乎。我朝定鼎之初。八旗生計頗稱豐厚者。人口無多。房地充足之故也。今百年以來。甚覺窮迫。者房地減於從前。人口加有什伯。兼以俗尚奢侈。不崇節儉。所由生計日消習尙日下。而無所底止也。夫旗人之所賴以爲生者。惟有房地。別無他項。若房地不充。雖百計以養之。究不過目前之計。終非久遠之謀。我聖祖仁皇帝愛養旗人。不啻父母之於赤子。休養安全。歷數十載。可謂深矣。可謂厚矣。而近年以來。尙至如此。此豈可不亟爲計慮乎。惟是京師房屋。尙可通融。而地畝則昔時所謂近京五百里者。已半屬於民人。前經臣工條奏。動帑收贖。奉旨徐徐辦理。尙未舉行。臣愚以爲即使舉行。而八旗之人口太多。亦未必盡能有濟。故臣熟思長計。勢不得不變通布置。惟使不聚於一方。庶可並得其利益。苟能收效於日後。何必畏難於目前。伏思盛京黑龍江甯古塔三處爲我朝興隆之

地土脈沃美。地氣肥厚。聞其閒曠處甚多。概可開墾。雖八旗滿洲不可散在他方。而於此根本之地似不妨遷移居住。且八旗之額兵將及十萬。復有成丁閒散數萬。老穉者不在內。若令分居三處。不惟京城勁旅原無單弱之虞。而根本重地更添強壯之卒。事屬兩便。由是合計京師及三處地畝。均勻攤給務使家有恆產。人有恒心。然後再教以儉樸。返其初風。則根本綿固久遠可計矣。但安土重遷乃情理之固然。而就易避難實事勢之所有。遷之道必先料理于數年之前。俟三處一切之規模既定。然後於八旗之願往者。及生計極窮者。一一籌其起身安家等事。明白曉諭。厚加賞賜。俾各欣然就道。不知有遷徙之苦。方可不礙於事理。若料理稍不合宜。致有抑勒。或有遺漏。乃徒生一番擾累。轉傷旗人依戀之心。更復何益之有。是在

皇上揀派忠厚明幹之大臣。於臨期悉心料理。庶可使之無弊耳。至於預籌之道。請密飭三處將軍等。令其踏勘所屬地方。其爲可墾之處。應得若干地畝。可住若干兵丁。作何建造城堡房舍。有無禽魚水泉之利。逐一審度。據實具奏。俟准行之後。廣募民人。擇地開墾。其無力者。官給牛具籽種。而不遽行陞科。俟地既熟。果有收穫。卽動帑建造城堡。以居民人商賈。請將軍量度情勢。如爲其人可以遷往之時。卽奏聞動帑。酌定移住人數。一面改造房屋。分定區宇。然後自京派往。俟到彼時。卽將所墾之地。按戶攤給。或卽仍令民人耕種。交租給兵。則旗人不過有一往之勞。而較之在京。已得世世之恒產矣。更祈

皇上仍照舊例。開設公庫。將各省稅務歸併旗員。並將旗地典與民者。收贖給還本人。其現存公中收租。每年散給窮人之地。一併分償無地之家。臣請以十年爲期。將前項事件。次第舉行。將見滿洲生計日增一日。仍復其初。廉恥之風既振。強幹之氣自生。綱紀益張。根本益固。然後更爲因時制宜。則久遠之謀。更在於是矣。

八旗屯種疏乾隆五年

御史范咸

竊惟人生所賴以生者衣食。衣食所恃以足者農桑。故曰一夫不耕。天下必有受其飢者。一婦不織。天下必有受其寒者。舍農桑而謀生計。其不可以持久也審矣。我國家休養生息於今百年。戶口日繁。生計恒患其細。而目前所尤宜急籌者。莫若滿洲八旗之恒產。蓋民生有四。各執厥業。士農工商。皆得以自食其力。而旗人所藉以生計者。上則服官。下則披甲。二者皆取給於大官之錢糧。夫國家之經費有定。戶口之滋息無涯。於此而欲博施濟衆。雖堯舜猶有所不能也。我皇上御極以來。仁恩普偏。欲使天下無一夫不得其所。滿洲八旗生計。久已上廬。宸衷而恒產至今未定。蓋以內地已乏閒田。而滿漢總歸一視。其間經畫。固有甚難者。考之前代。遼之上京。中京。金之北京。元之上都。並在邊外。其地郡縣甚多。建有城郭宮室。遺跡可考。臣夙夜思維。以今日欲爲滿洲八旗立恒產。惟有沿邊屯田一法。昔趙充國屯兵緣邊九郡。後至金城。上屯田奏。謂有十二利。其大要在張掖酒泉等郡邊外。繕亭障。浚溝渠。春時人予田二十畝。至四月草生。令遊兵護田。作於以收肥饑之利。資捍衛之功。廣積貯之益。省屯兵之費。其初舉朝皆疑之。後竟獲其效。此往事甚著者。臣竊思近日甘肅等處。開墾已有成效。而安西一鎮。孤懸關外。自鎮以東。應不乏可耕之地。且聞其處多漢時故城遺址。臣愚昧之見。以爲宜特遣能任事不畏難之大臣。往行周視相度。如果有可以經營墾種之處。似宜移在京無業旗人。往行屯田。官爲給道里籽種之費。俾設法開墾。緩其陞科。且令三時務農。一時講武。將來西北軍營。不惟可省轉運。抑寓兵於農。邊防抽調。亦甚便也。如以迤西爲遠。則遼東邊外。原我國家發祥之地。興京一處。似宜建爲都會。擇可墾種之地。派旗人前往駐牧。其餘如永吉州甯古塔黑龍江幅員不下四五千里。其間地畝。

或僅設爲牧廠。或且廢爲閒田。亦甚可惜。當此全盛之日。正宜不惜一時之勞。以維億萬年之固。至應如何經營。畫如何善後之處。統祈勅下該部及八旗都統。詳細要議。具奏務使旗人之生計有餘。而邊圉之苞桑永固。因此誠因天地自然之利。可爲萬年不拔之基也。

八旗屯種疏 乾隆六年

戶部侍郎梁詩正

竊惟度支經費。莫大於兵餉之供。惠養深仁。當豫爲長久之計。臣奉 恩命簡佐農部。詳查每年經費出入之數。伏見每歲春秋二撥解部銀兩。多不過七八百萬。少則四五百萬不等。而京中各項支銷。合計一千一二百萬所入不敷所出。比歲皆然。蓋因八旗兵餉浩繁。故所出者每多。各省綠旗兵餉日增。故所入者漸少。是兵餉一項。居國用十分之六七。此各項尋常支給。僅免不敷。而設有額外費用。卽不免左支右調也。夫經制有常。固無可裁之額。而仰給太衆。漸成難繼之形。臣管窺之見。有不可不及時斟酌變通者。爲我

皇上陳之。查

八旗人除各省駐防與近京五百里聽其屯種外。餘并隨旗居住。羣聚京師。以示居重取輕之勢。而百年休養。戶口衆多。無農工商賈之業可執。類皆仰食於官。我 皇上至仁如天。慮其資生之不贍。特於正賦俸餉外。添設佐領之額。優給養育之糧。免其借扣之銀。假以生息之利。且爲分置公產。聽令認買。撥給地畝。勸諭下屯。凡我爲旗人資生計者。無不委曲備至。而旗人之窮乏百若者。不使之自爲養。而常欲以官養之。此勢有不能者也。臣比年以來。再四爲旗人思久遠之計。竊謂內地已無閒曠之田。而邊塞尚有可耕之土。興盛二京實爲根本之地。王氣所鍾。其附近地方。膏腴未盡開闢。欽惟 世宗憲皇帝。運獨見之明。計萬世之利。念旗人生齒日繁。而國帑不足以給也。欲於黑龍江甯古塔等處。分撥旗人居耕種。俾得自爲生養。雍正十二三年。

間聞查辦已有定議未及舉行。我皇上御極以來廷臣亦屢有以此條奏者惟是人情可與樂成難與慮始在旗人生長輩下一日遷至邊地必多以爲不便卽中外臣工見事體重大亦未敢輕主其說此所以常扞格而不行也夫人爲一身一家之謀或祇顧目前不存遠慮皇上統一宇宙涵育羣生自當全局運量籌及萬年豈得爲因循姑息之計且國家根本之地旣非諸邊塞可與比而爲旗人開樂利之休亦並未嘗使受謫戍之苦此猶盤庚之誥可獨斷於君心而終以共喻於民心也若慮事有難行不及時早爲之所雖現在尙可支給而數百年之後旗戶更十倍於今以有數之錢糧贈無窮之生齒使僅取給於額餉之內則兵弁之關支不足供閒散之坐食旗人生計日蹙而民賦斷不可加國用無可減縮卽竭度支之所入以資養贍而終苦不敷不且上下交困乎且不獨此也待養者衆固無餘財以給之分戶者繁卽京師亦無餘地以處之惟有酌派戶口散列邊屯使世享耕牧之利而以時講武兼以充實邊防則蕃衍之餘盡成精銳陪京增拱衛之勢外藩仰震疊之威旗人旣各有生聚之謀國帑自無匱乏之慮矣至沿邊地方何處寬衍肥饒屯田事宜作何經理開置與旗人當作何抽撥安頓之法臣不能懸空詳度伏乞皇上密查舊檔熟計情形斷自宸衷特勅定議施行。

復原產籌新設疏乾隆十年

御史赫春

奏爲敬鑿復還八旗之原產試開未墾之閒田以資兵民萬世無窮之業仰乞睿鑿事臣竊思我朝創業東土統一區夏以八旗爲根本以四海爲宗家四海之衆民也而八旗之衆則兵也民之所以求安與兵之所以待養二者常相需而要之衛民心先以養兵國家定鼎以來布列八旗分編叅佐領爲之管轄猶天下

之省。郡縣爲之階。第八旗之設。叅佐領亦隱然以一旗爲一省。一叅領爲一府。一佐領爲一縣矣。每一佐領下所轄不下數十家。每家約計自數口以至數十口人丁不等。因徒有人丁而無可耕之土。是以一馬甲每月給銀三兩。護軍每月給銀四兩。皆每年給米四十八斛。核其數則數口之家可以充足。且於京城內外按其旗分地方賞給房屋。又於近京五百里內撥給地畝。良法美意。何以加茲。但考從前八旗至京之始。以及今日。百有餘年。祖孫相繼。或六七輩。試取各家譜牒徵之。當順治初年到京之一人。此時幾成一族。以彼時所給之房地。養現今之人口。是一分之產。而養數倍之人矣。皇上洞悉其故。多方籌畫。添設馬甲。護軍領催。以及養育兵丁。餉項所須。每年不下數百萬。國家恩養八旗。至優至渥。而旗人生計猶未見充足。故前曾諭八旗大臣。各抒己見。爲之籌度經營。乃八旗大臣止不過取目前之事。爲之瀆請。將從容辦理。以期盡善。此誠慎終自始之至意。臣愚嘗謂八旗恒產之立必。皇上因事關重大。料理誠難。二三十年之久。其事之首尾始可收功。方今宇內清平。四海無事。又值我皇上仁明天縱。且英年踐祚。際此從容閒暇之時。正可次第舉行此等經年累月之事。不然。日愈久而人愈增。人愈增而事愈難。以數十萬之衆。生齒日繁。聚積京師。不農不賈。皆束手待養。豈常策耶。臣再四思維。則清查旗人戶籍爲先務矣。旗人散處京城內外。皆有檔案可稽。先宜查出人口數目。實有若干。除現在官員兵丁支領俸項錢糧足資養贍外。其餘不能盡養之人。必須立有恒產。始可以爲長計。然恒產之立。莫出房地二者而已。查旗人從前原有老圈地畝。與京城內外所有房屋。以資養贍者。相沿日久。如房屋一項。或本家遇有急需。措費無所。從而售出者有之。或因拖欠錢糧。賠償無力。從而入官者有之。夫彼此交易。其業猶在旗人。一經入官之後。則由內務府取租入充。

公用卽間有將住房賣給旗人者亦殊寥寥。況又有每旗生息十萬帑銀。該管之人以爲借給旗人。恐致拖累。乃多扣分半二分錢。典賣房店以爲子息。故京城內外可以取租之房屋。現今爲官產者甚多。臣請將八旗之官。現在各旗內務府取租之房屋徹底清查。酌定官價。或扣俸餉。或定限交銀。賣與旗人。則旗房可復原業也。至於在旗地畝。向例不許賣與民間。俱有明禁。因旗人時有急需。稱貸無門。不敢顯然契賣。乃變名曰老典。其實與賣無二。至今而旗地之在民者十之五六矣。故前蒙皇上天恩。交直督清查議贖。去年查明霸州等五十六州縣衛民典老圈旗地僅九千餘頃。但在各州縣畏事。惟恐贖地一事紛繁拖累。故奉行不無草率。而民間又未有不欲隱瞞旗地爲己恒業者。臣恐八旗老圈地畝。典在民間者未必止於九千餘頃。何則。近京五百里之內。大概多係旗地。自康熙三十三年間以至今日。陸續典出者多。贖回者少。數十年來斷不止於此數。此次清查。卽係定案。若少有隱匿。則旗人之產。卽永爲民人之業矣。臣請特派大臣。將戶部圈佔地畝原冊。及陸續給旗地畝檔案逐一查出。令各該旗按冊查對。分交各佐領傳喚原業主。詢問此項地畝。曾否典賣。及已經典賣者。在旗在民共若干畝。其在旗者。令原業主輾轉查明。現在何旗何人名下爲業。其在民者。從前於何年月日典與何人爲業。如或年代久遠。無從查考。及原業主無人。俱照部冊開明咨送。以便查核。除在旗地畝毋庸置議外。其在民者。奏派八旗諳練之叅佐領前往會同各該州縣將民典旗地逐案查對。如部冊之內有坐落該州縣地畝。而該州縣所造查出旗地數目。竟無此項地畝者。卽於本州縣地丁紅串內查對。如係初以來。卽在民人名下交納錢糧者。方係民地。若從前並無紅串。忽於康熙年間託故起有紅串。而其地畝段。又與部冊彷彿者。卽係隱瞞之旗地無疑矣。如此清查之後。再令八旗大臣會同戶部直隸總督詳議動項。陸

續官贖。而令原業主取贖於官。或按限交銀。或俸餉分扣。如原業主無人。及無項指贖者。卽令在旗之人認買。在旗人得地。可以取租。在民間出租。卽仍種地。兩無所損。以後將民典旗地之弊。永行嚴禁。則從前旗人原有之房地。盡歸旗人矣。至於八旗生息銀兩。係

世宗憲皇帝

爲賞給兵丁紅白事件之用。故每旗發帑金

十萬兩。交該旗王大臣酌量經營。一分起息。並非令典買房地。佔旗人之恒產。爲滋生之策也。查康熙年間。宗人府卽有生息銀兩一項。數十年來。滋生者多。拖欠者少。而且利息微薄。便於旗人。嗣後各旗料理生息銀兩之法。未有善於此者。臣愚以爲今日各旗生息銀兩。俱宜照宗人府之例。亦改爲一分起息。借給旗人。所得微息。自足以充賞給之用矣。夫

國家之爲八旗計長久者。

房地兩項。今既盡數贖還。而又有歷年增添之餉項。

所以養贍旗人之策。固已無遺議。然而在京之房與近京之地。不過止有此數。卽使人丁滋生倍衆。斷不能倍增。恒產於前數之外。誠欲爲旗人萬年之恒計。則莫如開墾沿邊地方。使民有可耕之田。爲八旗無窮之業。一地兩養。尤

國家第一之良法也。

臣近接閱邸抄。見大學士伯張廷玉等議覆御史柴潮生奏。請開墾奉天等處屯田一摺。內稱查沿邊一帶。先據調任直督孫嘉淦奏稱。獨石口氣候甚寒。不宜五穀。惟獨石口外紅城子

開平城。及張家口外興和城北城子。可耕之田甚多。約計可駐滿兵一萬。經

特簡王公大臣前往彼處詳

勘。妥議具奏。嗣據奏稱。口外地方寒冷。霜降且早。所耕大半皆係糜黍蕎麥。耕種五穀者少。即使盡力耕種。不能保其必穫。且每年所穫。可不足以供兵食之處。亦不能預知。其開墾駐兵之處。應請停止。在案。臣查從前孫嘉

淦所奏。惟獨石口一處。氣候寒冷。不宜五穀。而獨石口外北行三十餘里。卽係平原曠野。再五十餘里。爲紅城子。牆垣猶在。襟山帶河。平疇沃衍。再百餘里。爲開平。卽元之上都。其間可耕之田。不下數萬頃。再張家口外。西

行七十里爲興和城。北行百餘里爲北城子。川原甚廣。一望無際。土脈之肥。過於開平。其間可耕之田。亦不下數萬頃。又云。或疑口外聚集多人。恐於蒙古滋擾。諸城左右。皆各旗王公大臣牧馬之廠。今墾爲田。恐旗人有所不便。又或疑天寒霜早。恐其難於收穫。山少林木。恐其難於柴薪。凡此疑難之處。臣皆遍觀而細訪之。口外之山。綿亘千餘里。名曰大壠。凡壠內之田。皆已招民墾種。現在征錢糧。此諸城之地。逼近大壠。皆係旗人牧廠。與蒙古無涉。旗廠之外。乃太僕寺遊牧之地。遊牧之外。乃察哈爾居住之處。察哈爾外。乃爲內扎薩克地方。彼此隔遠。無由滋擾。八旗牧廠所佔甚大。多有餘閒。可以併省。又遊牧之地方數千里。割其一隅。即可兌給。至柴薪稍遠。未嘗缺乏。且壠內諸山。多有產煤之所。若招民開採。自可足用。臣於三月在獨石口。草芽未青。十四日在紅城子。青草長及一寸。氣候可以春耕。開平城外。龍坎猶存。碾碓尚在。若非種植。何以有此。興和氣較暖於開平。其爲可以耕種無疑也。等語是孫嘉淦從前所奏。開平。興和等處可耕之地。乃伊巡閱邊關親行相度。不但地方之寒暖降霜之早晚。穀種之相宜。一一籌畫詳盡。而且將日用之水火。煤薪。旗民之相安。蒙古旗廠之無擾。以及山場之可牧。平原之可獵。皆無不悉心區別而聲明矣。而原任大學士伯鄂爾泰等議。謂口外地方寒冷。耕種五穀。不能保其必穫。請停止。乃係約畧慎重之辭。惟恐其見功不易。而耗費殊多。固是利不十不變法之意。然旗人之滋生無窮。國家之帑金有數。沿邊既有天地自然之利。與其使之就蕪。何若墾之爲田。若慮其不能見功。何不聊爾小試。如其無益。則請停止。如其有益。自當另爲籌畫。惟孫嘉淦從前所奏。料理區別公田民田之法。有不可行者。其曰興和開平等處地。故令民人墾種。擇其近城之地。平方寬遠者。畫爲公田。其餘皆爲民田。每墾民田一頃者。必令墾公田一頃。民田以爲世業。公田分給旗人。酌定租粟。加之月給錢糧。則